

Sakspapir

Sakshandsamar	Arkiv	ArkivsakID
Oddvin Arne Neset	FA-U63, TI-&18	22/1122

Saknr	Utval	Type	Dato
123/2022	Formannskapet	PS	05.12.2022
	Kommunestyret	PS	

Søknad om serverings- og skjenkeløyve

Vedlegg:

Journalposttittel

Søknad om serverings- og skjenkebevilling Country Cafeen Hosteland
Oversiktsteikning over lokalet Fensfjordbygg

Dato

01.12.2022
01.12.2022

Rådmannen sitt framlegg til vedtak:

1. Stordalen Oppleving AS ved Anne Kvellestad får serverings- og skjenkeløyve ved Country Cafeen AS Hosteland, 1.etasje i Fensfjordbygg, Fensfjordvegen 615, 5689 Hosteland.
2. Skjenking av alkoholhaldig drikke gjeld:
 - Alkoholgruppe 1 , øl, cider og rusbrus med alkoholinnhold opp til 4,7 %
 - Alkoholgruppe 2, øl, vin og brennevin med alkoholstyrke mellom 4,7 % og 22 %
 - Alkoholgruppe 3, brennevin med alkoholstyrke mellom 22 % og 60 %
3. Styrar for skjenkeløyvet: Anne Kvellestad
Avløysar for styrar: Tore Jarl Pedersen
4. Skjenkeareal: Skjenkeløyvet gjeld innomhus i serveringslokale i 1.etasje i Fensfjordbygg. Utsjenka alkohol skal ikkje takast ut i andre deler av bygget eller utandørs.
5. Skjenketider:
For skjenking gruppe 1 og 2: kl. 13.00 – 02.00
For skjenking gruppe 3: kl. 17.00 – 02.00
Lukka arrangement gruppe 1, 2 og 3 kl. 17.00 – 02.00
6. Det er eit vilkår for skjenkeløyvet at det ved skjenkestaden også er eit allsidig mattilbod.
7. Skjenkeløyvet gjeld frå og med 15.12.2022 til og med 31.3.2024.
8. Serveringsløyvet er ikkje tidsavgrensa for denne eigaren og denne lokaliteten.

Saksopplysningar:

Bakgrunn

Stordalen Oppleving AS ved styreleiar og dagleg leiar Anne Kvellestad søker i brev datert 22.11.2022 om serverings- og skjenkeløyve i leigde serveringslokaler i 1.etasje i Fensfjordbygg, adresse

Fensfjordvegen 615, 5986 HOSTELAND.

Uttale

Søknaden om serveringsløyve og skjenkeløyve er sendt til Politiet i Nordhordland for uttale. Sosialtenesta v/NAV Fensfjorden er beden om å uttale seg til søknaden om skjenkeløyve.

Politiet har i brev datert 30.11.2022 ikkje merknader til at det vert gjeve serverings- og skjenkeløyve. Sosialtenesta ved NAV Fensfjorden har i brev datert 29.11.2022 ikkje merknader til at det vert gjeve skjenkeløyve.

Fakta

Stordalen Oppleving AS har i dag serverings- og skjenkeløyve ved Stordalen Fjellstove. Noverande løyve vart gjeve den 5.5.2022 i KS vedtak 029/2022 i samband med eigarskifte. Anne Kvellestad er ansvarleg for dette løyvet.

Vurdering

I e-post datert 11.11.2022 skriv Anne Kvellestad at dei panlegg å avvikle drifta ved Stordalen Fjellstove 31.12.2022, og i telefonsamtale opplyser Kvellestad at ho ynskjer å kome i gang med serveringsverksemd i lokala som Kritthuset har hatt i Fensfjordbygg, og håper å kome i gang før jul.

Kritthuset har hatt serverings- og skjenkeløyve i desse lokala sidan sommaren 2020, men dei avvikla drifta i september 2022. Dei siste månadene har det ikkje vore drift i lokala. Det er positivt for lokalsamfunnet at det er aktørar som ynskjer å få i gang drift att i lokala i Fensfjordbygg.

Søknad om serveringløyve skal vurderast etter reglane i Serveringslova. Lova seier at alle som vil drive næring av serveringsverksemd må ha løyve frå kommunen, og at løyve skal gjevast dersom visse krav er oppfylt. Desse krava er:

- verksemda skal ha ein dagleg leiar som har dokumentert kunnskap om drift av slik verksemd gjennom ein etablerarprøve
- dei som er involvert på eigar- og drivarsida skal ikkje ha gjort noko klandreverdigg etter straffelova, skatte- og avgiftslov, rekneskapslovverket og likestillings- og diskrimineringslova.

Anne Kvellestad har gjennomført etablerarprøven for serveringsverksemd og kunnskapsprøven i alkohollova for skjenking. I tillegg har ho praktisk erfaring frå drift av serverings- og skjenkeverksemd. Kommunen har til no ikkje motteke kontrollrapportar eller klager av nokon art som tyder på at reglane i alkohollova med forskrifter ikkje har vore følgt for denne bedrifta sin noverande skjenkestad. Erfaringane med dei etablerte løyva så langt har vore gode.

Skjenkestaden er ikkje i nærområde for barn og ungdom, slik dei no er definert i Alkoholpolitisk plan. Her står det at : «Opphaldstader og nærområder for born og unge er definert som samlingsstader som vert brukt til leik, aktivitetar i skule og/eller fritid.» Fensfjordbygg er i hovudsak eit bygg for offentlege tenestetilbod som er ope på dagtid vekedagar. Skjenking vil i hovudsak gå føre seg på ettermiddag, kveld og i helger.

Prinsippet om likebehandling av skjenkesøknader skal stå sterkt, det same gjeld behovet for harmonisering av dei lokale skjenkevilkåra. Det skal gode grunnar for å ha vesentleg ulike

opningstider mellom skjenkestadene eller aldersgrense for nokon men ikkje for andre. Dei som søker løyve får difor som hovudregel løyve innanfor dei sjenketidene som er skissert i Alkoholpolitisk plan. I alkoholpolitisk handlingsplan pkt. 5.1 er rammene for skjenkeløyve no sett til kl. 13.00 – 02.00 for alkoholgruppe 1 og 2, og frå kl. 17.00 – kl. 02.00 for alkoholgruppe 3. Dette gjeld no likt for alle skjenkestader.

Alle skjenkestadene er i større eller mindre grad ein del av det totale reiselivsproduksjonen i kommunen, sjå også pkt. 6 i alkoholpolitisk handlingsplan. Etablerte skjenkestader har også i denne løyveperioden får utvida løyve i samband med lukka einskildarrangement eller såkalla slutta lag.

Løyvehavar har dokumentert gode kunnskapar om alkohollova sine reglar og drift av serveringsstad ved at både styrarar og avløysar har greidd kunnskapsprøven og etablerarprøven. Det er sendt inn skatteattest for Stordalen Oppleving AS og for Anne Kvellestad.

Konklusjon

Det vert tilrådd at Stordalen Oppleving AS ved Anne Kvellestad får serverings og skjenkeløyve i Country Cafeen AS Hosteland.

Formannskapet - 123/2022

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

1. **Stordalen Oppleving AS ved Anne Kvellestad får serverings- og skjenkeløyve ved Country Cafeen AS Hosteland, 1.etasje i Fensfjordbygg, Fensfjordvegen 615, 5689 Hosteland.**
2. **Skjenking av alkoholhaldig drikke gjeld:**
 - Alkoholgruppe 1 , øl, cider og rusbrus med alkoholinnhold opp til 4,7 %
 - Alkoholgruppe 2, øl, vin og brennevin med alkoholstyrke mellom 4,7 % og 22 %
 - Alkoholgruppe 3, brennevin med alkoholstyrke mellom 22 % og 60 %
3. **Styrar for skjenkeløyvet: Anne Kvellestad**
Avløysar for styrar: Tore Jarl Pedersen
4. **Skjenkeareal: Skjenkeløyvet gjeld innomhus i serveringslokale i 1.etasje i Fensfjordbygg. Utsjenka alkohol skal ikkje takast ut i andre deler av bygget eller utandørs.**
5. **Skjenketider:**
For skjenking gruppe 1 og 2: kl. 13.00 – 02.00
For skjenking gruppe 3: kl. 17.00 – 02.00
Lukka arrangement gruppe 1, 2 og 3 kl. 17.00 – 02.00
6. **Det er eit vilkår for skjenkeløyvet at det ved skjenkestaden også er eit allsidig mattilbod.**
7. **Skjenkeløyvet gjeld frå og med 15.12.2022 til og med 31.3.2024.**
8. **Serveringsløyvet er ikkje tidsavgrensa for denne eigaren og denne lokaliteten.**

